

HELAIAN KETERANGAN PRODUK (Sila baca Helaian Keterangan Produk ini sebelum anda membuat keputusan memilih “IKHLAS Marine Cargo Takaful”. Pastikan juga anda telah membaca terma-terma dan syarat-syarat di dalam Sijil Takaful ini.)	TAKAFUL IKHLAS GENERAL BERHAD (Ahli PIDM) (Dilesenkan di bawah Akta Perkhidmatan Kewangan Islam 2013 dan dikawal selia oleh Bank Negara Malaysia) IKHLAS MARINE CARGO TAKAFUL Tarikh:
1) Apakah produk ini? Produk ini melindungi barangan di dalam perjalanan melalui jalan laut, udara atau darat daripada kerugian atau kerosakan yang disebabkan oleh pelbagai peril.	
2) Apakah konsep Syariah yang diguna pakai? • Tabarru’ - bermaksud derma bagi tujuan perpaduan dan kerjasama di kalangan Peserta-peserta Takaful dan akan digunakan untuk membantu semua Peserta Takaful yang ditimpa musibah. Di dalam konteks pihak Syarikat, Tabarru’ akan diperuntukan ke dalam Dana Risiko Peserta. • Wakalah – merujuk kepada kontrak di mana satu pihak, sebagai prinsipal (<i>muwakkil</i>) membenarkan pihak lain sebagai ejen (<i>wakil</i>) untuk melaksanakan tugas tertentu dalam hal-hal yang boleh diwakilkan, dengan atau tanpa mengenakan bayaran. Di dalam konteks pihak Syarikat, kami dilantik sebagai ejen (<i>wakil</i>) untuk melaksanakan Perniagaan Takaful, dan fi Wakalah (<i>Ujrah</i>) akan dibayar kepada pihak Syarikat. Nota: Sila rujuk kepada Sijil Takaful untuk maklumat lanjut.	
3) Apakah perlindungan-perindungan / manfaat-manfaat yang ditawarkan? Sijil Takaful ini melindungi kargo semasa di dalam perjalanan dan ini termasuk penyimpanan semasa proses perjalanan yang biasa. Kesemua ini adalah tertakluk kepada terma-terma Fasal Institut Kargo. Fasal-fasal yang kerap diguna pakai adalah: Fasal Institut Kargo (A) atau Fasal Institut Kargo (Udara) ○ Melindungi semua risiko kerugian atau kerosakan pada kargo. Fasal Institut Kargo (B) ○ Melindungi kerugian atau kerosakan yang disebabkan oleh peril berikut :- a) kebakaran atau letupan b) kapal atau kapal kecil yang terdampar, terkandas, tenggelam atau terbalik c) kenderaan darat terbalik atau tergelincir d) pelanggaran atau tersentuh dengan kapal, kapal kecil atau pengangkutan dengan apa-apa objek luaran selain daripada air. e) pemungghaan barangan di pelabuhan kecemasan f) gempa bumi, kilat dan letusan gunung berapi g) pengorbanan Purata Am h) pembuangan atau hanyutan dari kapal ke dalam laut. i) kemasukan air laut, tasik atau sungai ke dalam kapal atau tempat penyimpanan barang	

- j) bungkusan yang hilang sama sekali dari kapal atau tercicir ketika pemunggahan masuk atau pemunggahan keluar dari kapal atau kapal kecil

Fasal Institut Kargo (C)

- o Melindungi peril berikut yang dinamakan:-
 - a) kebakaran atau letupan
 - b) kapal atau kapal kecil yang terdampar, terkandas, tenggelam atau terbalik
 - c) kenderaan darat terbalik atau tergelincir
 - d) perlanggaran atau tersentuh dengan kapal, kapal kecil atau pengangkutan dengan apa-apa objek luaran selain dari air.
 - e) pemunggahan barangan di pelabuhan kecemasan
 - f) pengorbanan Purata Am
 - g) pembuangan dari kapal ke dalam laut

Nota: Sila rujuk kepada Sijil Takaful untuk keterangan lanjut mengenai syarat-syarat dan terma-terma spesifik yang berkaitan dengan manfaat yang dinyatakan di atas.

Tempoh perlindungan ialah selama satu (1) tahun. Dengan itu, anda dikehendaki membaharui Sijil Takaful anda setiap tahun.

4) Berapakah jumlah Sumbangan Takaful yang perlu dibayar?

Jumlah Sumbangan Takaful yang anda perlu bayar adalah berbeza bergantung jenis barangan dan pembungkusan, nilai penghantaran, pelayaran, pengangkutan dan perlindungan yang diperlukan:

- o Risiko marin ICC : (A) _____ % atau (B) _____ % atau (C) _____ %
- o Beserta perlindungan tambahan : Peperangan dan Mogok _____ % & perlindungan lanjutan lain _____ %
- o Jumlah kadar Sumbangan : _____ % pada Amaun Perlindungan RM _____

Anggaran Sumbangan Takaful yang dikenakan : RM _____

5) Apakah yuran-yuran dan caj-caj yang perlu dibayar?

Berikut adalah yuran dan bayaran yang dikenakan:

Bayaran yang perlu dijelaskan disamping jumlah Sumbangan Takaful:-

- Cukai yang digunakan tertakluk pada kadar semasa yang dikenakan
- Duti Setem : RM10.00

Bayaran lain yang termasuk dalam jumlah Sumbangan Takaful:-

- Yuran Wakalah -
 - ✓ Komisen : sehingga maksima 15% dari Sumbangan Takaful
 - ✓ Perbelanjaan Pengurusan : 15% dari Sumbangan Takaful

Bayaran yang perlu dijelaskan jika anda membatalkan Sijil Takaful ini :-

- Yuran Pembatalan : RM10.00

6) Apakah terma-terma dan syarat-syarat utama yang perlu diketahui?

Kewajipan Pendedahan

- Menurut perenggan 5 daripada Jadual 9 Akta Perkhidmatan Kewangan Islam 2013, jika anda memohon Takaful ini sepenuhnya untuk tujuan yang tidak berkaitan perdagangan, perniagaan atau profesion anda, anda mempunyai kewajipan untuk mengambil langkah penjagaan munasabah untuk tidak membuat salah nyataan semasa menjawab soalan-soalan dalam borang cadangan (atau apabila anda memohon untuk Takaful ini). Anda dikehendaki menjawab soalan-soalan dengan lengkap dan tepat. Kegagalan untuk mengambil penjagaan munasabah dalam menjawab soalan-soalan mungkin mengakibatkan pembatalan kontrak Takaful anda, penolakan atau pengurangan tuntutan, perubahan terma atau penamatan kontrak Takaful anda.
- Kewajipan pendedahan di atas adalah berterusan sehingga kontrak Takaful anda dibuat, diubah atau diperbaharui dengan kami.

Waranti Sumbangan Takaful

- Sumbangan Takaful kepada pihak Syarikat mestilah dibayar dan diterima oleh pihak Syarikat dalam tempoh enam puluh (60) hari dari tarikh permulaan Sijil Takaful ini atau Endorsmen / pembaharuan Sijil Takaful. Jika syarat ini tidak dipatuhi, Sijil Takaful ini akan terbatal secara automatik dan pihak Syarikat memiliki hak terhadap Sumbangan Takaful pro-rata bagi tempoh dimana Syarikat menyediakan perlindungan.

Jumlah untuk Dilindungi

- Anda harus memastikan harta anda dilindungi pada jumlah yang berpatutan dengan mengambil kira pengubahsuaian yang dilakukan pada harta tersebut.
- Anda boleh melindungi harta anda berasaskan dasar Nilai Pasaran atau nilai pengembalian semula:
 - a) Dasar Nilai Pasaran – pihak kami akan membayar kos pembaikan ke atas harta yang rugi atau rosak setelah ditolak jumlah Susut Nilai atau Haus dan Lusuhan.
 - b) Dasar nilai pengembalian semula – pihak kami akan membayar kos penuh untuk pembaikan harta yang rosak tanpa menolak Susut Nilai atau Haus dan Lusuhan, dengan syarat Amaun Perlindungan adalah mencukupi untuk menampung jumlah kos pengembalian semula harta tersebut
- Sekiranya jumlah yang dilindungi ke atas harta anda adalah kurang daripada nilai sebenar pada waktu kerugian berlaku, anda dianggap untuk bertanggungjawab terhadap perbezaannya dan hendaklah menanggung perkadaran setimpal bagi kerugian tersebut sewajarnya.
- Ekses, sebagai amaun yang harus anda tanggung sendiri sebelum kami membayar balik kepada anda, adalah dikenakan untuk Peril tertentu, seperti tuntutan terhadap tangki air yang melimpah, angin ribut, gempa bumi dan banjir.

Lebihan

- Pihak Syarikat akan mengenakan Caj Pengurusan Lebihan (SAC) sebanyak 50% daripada lebihan boleh-agih kasar dari Dana Risiko pada setiap akhir tahun kewangan. Walau bagaimanapun, pihak Syarikat boleh, mengenakan caj SAC kurang daripada 50% daripada lebihan boleh-agih kasar mengikut budi bicara dan kesesuaian.
- Sebarang lebihan boleh-agih bersih (selepas ditolak SAC) daripada Dana Risiko akan diperuntukkan seluruhnya (100%) kepada Peserta Takaful. Setelah tamat tempoh Sijil Takaful, sekiranya jumlah yang perlu dibayar kepada Peserta Takaful kurang dari RM10, jumlah tersebut akan terus disimpan di dalam Dana Risiko atau didermakan kepada badan amal bagi pihak Peserta Takaful sebagai amalan baik. Had serta kaedah dan tempoh penyelesaian pengagihan lebihan adalah seperti yang ditakrifkan di dalam Polisi Pengagihan Lebihan. Had tersebut tidak tertakluk jika Peserta Takaful memberikan maklumat perbankan mereka kepada pihak Syarikat.

7) Apakah pengecualian-pengecualian utama yang terdapat di dalam Sijil Takaful ini?

Pengecualian berikut adalah yang kerap diguna pakai untuk semua Fasal Institut Kargo

- a) salah laku yang disengajakan oleh Peserta Takaful;
- b) kebocoran biasa atau pengurangan berat atau isipadu atau kehausan dan kelusuan barangan yang dilindungi;
- c) kekurangan atau ketidaksesuaian pembungkusan atau penyediaan barangan;
 - Pengecualian ini hanya akan dikenakan jika barang-barang pembungkusan atau penyediaan yang dilakukan oleh Peserta Takaful atau pekerja-pekerjanya atau telah dilakukan sebelum pemasangan risiko tersebut
- d) kerosakkan sedia ada atau keadaan semula jadi pada barangan;
- e) kelewatan meskipun kelewatan disebabkan oleh suatu risiko yang telah dilindungi;
- f) ketidakmampuan membayar atau pembayaran yang tidak dilakukan oleh pemilik kapal / pengurus / penyewa / pengendali kapal
 - Pengecualian ini akan dikenakan jika Peserta Takaful menyedari tentang keadaan kewangan yang boleh menghalang pelayaran.
- g) risiko radioaktif atau nuklear;
- h) pelayaran yang tidak sepatutnya atau kegunaan kapal kecil, jika Peserta Takaful sedar pada masa pemunggahan dilakukan;
- i) peperangan atau perang saudara;
- j) penangkapan, perampasan atau penahanan;
- k) periuk api terbiar torpedo bom atau lain-lain senjata peperangan;
- l) rusuhan; dan
- m) keganasan

Nota: *Senarai ini bukannya senarai yang lengkap. Sila rujuk Sijil Takaful untuk senarai penuh bagi pengecualian di bawah Sijil Takaful ini.*

8) Bolehkah saya membatalkan Sijil Takaful ini?

Anda boleh membatalkan Sijil Takaful ini dengan memberi notis bertulis kepada pihak kami. Selepas pembatalan, anda layak mendapat pulangan Sumbangan Takaful untuk kadar pro rata bagi tempoh Sijil Takaful yang belum luput. Tiada pulangan Sumbangan Takaful dibenarkan jika ada sebarang tuntutan di bawah Sijil Takaful ini.

9) Apakah yang perlu dilakukan sekiranya terdapat perubahan kepada maklumat untuk dihubungi?

Adalah penting bagi anda untuk memaklumkan kepada pihak kami tentang sebarang perubahan mengenai maklumat anda bagi memastikan semua surat-menyurat dapat disampaikan kepada anda tepat pada masanya.

10) Bagaimanakah saya boleh mendapatkan maklumat lanjut?

Sekiranya anda memerlukan informasi tambahan mengenai IKHLAS Marine Cargo Takaful, sila hubungi kami di:

Takaful Ikhlas General Berhad

Jabatan Pengurusan Perhubungan Pelanggan,
IKHLAS Point, Tower 11A, Avenue 5, Bangsar South,
No. 8 Jalan Kerinchi, 59200 Kuala Lumpur.

Tel: 03-2723 9696

Faks: 03-2723 9998

Laman sesawang : www.takaful-ikhlas.com.my

Emel: ikhlascare@takaful-ikhlas.com.my

11) Produk seumpama yang boleh didapati?

- *IKHLAS Goods In Transit Takaful*

Notis Perlindungan PIDM

Manfaat-manfaat yang dibayar di bawah Sijil Takaful yang layak adalah dilindungi oleh PIDM sehingga had perlindungan. Sila rujuk Brosur TIPS PIDM atau hubungi Takaful Ikhlas General Berhad atau PIDM (lawati www.pidm.gov.my).

NOTA PENTING:

ANDA HENDAKLAH MEMASTIKAN HARTA ANDA DILINDUNGI PADA JUMLAH YANG BERSESUAIAN MEMANDANGKAN IA AKAN MENJEJASKAN JUMLAH TUNTUTAN. ANDA PERLU MEMBACA DAN MEMAHAMI SIJIL TAKAFUL DAN BERBINCANG DENGAN EJEN ATAU HUBUNGI PENGENDALI TAKAFUL UNTUK MAKLUMAT LANJUT.

Informasi yang disediakan dalam Helaian Keterangan Produk ini adalah sah pada 01/05/2024